

秦批醫學見能

申2
97



醫
學
見
能

許
半
龍



寧夏中藥大學圖書館藏

版權所有★不准翻印

一九二九年八月初版

一九五二年十一月六版

醫學見能

著者：蜀都唐容川

批校：上海秦伯未

出版：上海中醫書局

發行：上海中醫書局

山東中路二六號

定價10,000元

5001-6000

9000





醫學見能序

醫學見能四卷蜀天彭唐容川著僕得于江右之吉州藏之笥篋忽忽十餘載矣辭簡理周最有益于濟世蓋容川原為初學弟子與夫不知醫者說法故理不求深而方必錄驗較之務求艱奧而無俾實用者未可同日語也憶昔家君宦遊豫章幕府中人有以疾苦告者即檢方與之新發者覆杯即止久者三飲而已因是上下皆謂家君知醫而不知實得之此書之力洵可貴焉容川學通今古識超凡傳其所著中西滙通五種不啻進而求遠不趨新奇而廢正道早刊行世已為學者奉若圭臬惜是書獨付闕如乃為校閱并附經驗簡效方于眉上以采備用即付手民嗚呼古人云為人子者不可不知醫僕謂為人父母者亦不可不知醫顧藉勢如難以遴擇聖言悠遠良匪易悟世傳驗方新編一盤珠珍珠囊等本源未澈瑕瑜互見殊憾理不足而方難效然則是書之出願醫者朝夕展玩凡為人子父母者去彼從此而各手一編廣醫學之識見助天地之生成獲益誠匪淺而其功又詎在作者下歟甲子八月上海秦之濟伯未氏序

凡例

一他書皆標證名。是書原為不知醫者而設。標出證名。轉生迷眩。故見某痛。即收入某門。分部分類。最便查閱。

一是書雖簡略。然每遇一證。必究其源。審知陰陽。分別臟腑。最為靈驗。雖見病治病。比時書卻高一格。

一婦人小兒。除胎產麻痘外。悉如男子治法。且各有專書。閱者能得此書之意。再參各書。自可辨其得失。而取用不窮。是書不多贅也。

一是書原無歌括。苦於難記。今按各節衍成絕句。以便記誦。真醫門中第一捷訣也。

一瘡傷跌打救絕等法。是備急扶危之要務也。附於卷末。方法經驗。千穩萬安。當熟記之。豫備藥料。以便濟世。



醫學見能原叙

備豫不虞古之善教而不虞之備莫要於醫高堂則風竹瓦霜膝下則新
雛弱笋外而戚友中則己身偶有疾苦均資乎醫誠重矣哉顧醫之難也
非讀書識字則不能醫非格物窮理則不能醫非通權達變更不能醫一
旦櫻非常之疾束手無策只得委任凡醫聽其措置為之醫者又復混亂
陰陽顛倒寒熱投劑不中至於垂危明哲之士鑒前車思補救奮然求濟
於方書而諸書率皆大海茫茫渺無涯則深溪摘要鉤元淺則捕風捉影
倉皇檢閱兩俱無益病家既窮於醫又窮於書惟撫膺扼腕自恨其不能
醫己耳噫醫固若是之難能己乎抑亦所見之書有未遽能者乎夫紀昌
之射六年方工伯牙之琴三年未妙天下事安有一見而能者哉顧事之
在所緩者不必求諸一見而事之在所急者要無取乎難能況不測之來
危在頃刻非開卷了然之書何以供家俗急時之用余因感此集為是書
卽不知醫家臨證查對無不瞭如指掌且是書也雖非鉤元摘要之微亦
匪捉影捕風之陋果能洞書中之言通言外之意將淺者見淺深者見深
而吾一見能之裨於世用也詎有涯哉

光緒十六年季夏

容川唐宗海自題

伯未按此書出版之十年陝西紫陽程君振興獲成都灌邑文茅堂刊本書
名醫學一見能互相對勘頗多出入而卷首有唐氏自序彌可貴也惟缺方
歌而藥品不註分兩似不及此書之完備承郵寄囑加校正因就其所異摘
錄眉上以蜀刻本三字別之書末並闕外科刀傷跌打救急諸門當是另有
專刊蓋唐氏本有外科說意之作也甲戌中秋前一日記



醫學見能目錄

卷首

診法

五臟

六腑

經氣

望色

聞聲

問證

切脈

卷一

證治

頭骨

兩耳

眼目

脣口

鼻孔

齒牙

舌本

咽喉

胸前

大腹

小腹

脇肋

背上

腰中

手臂

腳腿

前陰

後陰

大便

小便

卷二

證治

寒熱

嘔吐

欬嗽

喘齁

失血

遺精

言語

心神

斑黃

出汗



腫脹 飲食 起居 倒仆 抽掣

蟲蠱 鬼祟

卷三

婦科

調經 安胎 保產

兒科

外證 內傷

外科

瘡科 刀傷 跌打

卷四

附錄

救急各方

醫學見能目錄終



醫學見能卷首

蜀都唐宗海容川著

上海秦之濟伯未批校

診法

五臟

心火臟。主生血。主藏神。主周身脈絡。主喜。主笑。開竅於舌。

肝木臟。主行血。主藏魂。主周身筋膜。主怒。主驚。開竅於目。

脾土臟。主飲食。主藏意。主周身肌肉。主思。主噫。開竅於口。

肺金臟。主行氣。主藏魄。主周身皮毛。主悲。主欬。開竅於鼻。

腎水臟。主生氣。主藏志。主周身精髓。主恐。主欠。開竅於耳。

外有包絡。即心外衣。為陰血布化之源。

又有命門。即腎中系。為真陽生氣之根。

六腑

小腸者心之腑。屬火。主化食為液。上奉心血。

膽者肝之腑。屬木。主升清降濁。疏利中土。

胃者脾之腑。屬土。主納受水穀。化氣化血。

伯未按心惡
熱肺惡寒肝
惡風腎惡燥
脾惡濕胃喜
涼腸喜熱胆
喜溫亦不可
不知



南京中醫藥大學圖書館藏

膀胱者腎之腑。屬水。主氣。衛皮毛。通達小便。

三焦者命門絡之腑兼屬火水主行水化氣通陰達陽。

◎經氣

手足太陽小腸經司火寒水之氣手從足化統稱寒水經行身之後

足陽明大腸經司燥土之氣足從手化統稱燥金經行身之前

足少陽膽經。司木火之氣。足從手化。統稱相火。經行身之側。

足太陰脾經。司濕土之氣。手從足化。統稱濕土。分部於大腹。

足少陰經司水陰之氣。足從手化。統稱君火。分部於小腹。

手足厥陰包肝絡經司相風火木之氣。手從足化。統稱風木。分部於軟脇。

望色

青色屬肝。風邪也。亦主脾寒。

黃色屬脾。濕氣也。亦主食積。

赤色屬心火熱也亦主假熱。

白色屬肺。虛寒也。亦主血脫。

伯未按十二經之部位手足之三陰從藏而手之三陽從頭足之三陽從手走手之三陰從足走足之三陰從足走腹又有腎脈起於會陰循脊而行身之背所以督率諸陽任脈起於會陰循腹而行身之前所以擔任諸陰脈亦起於會陰散胸中而上氣之衝當一源而三岐統謂之奇



黑色屬腎。水氣也。亦主腎虛。

◎聞聲

肝志怒。其聲呼。其變罵詈。

心志喜。其聲笑。其變譫語。

脾志思。其聲歌。其變鄭聲。

肺志憂。其聲哭。其變失音。

腎志恐。其聲呻。其變氣短。

◎問證

問病因。七情六欲。風寒暑濕。飲食起居。損傷驚恐之類是。

問病形。痛癢寒熱。喘欬煩渴。吐利脹滿。便閉抽搐之類是。

問病機。朝甚暮愈。暮熱朝寒。進退盛衰。變證兼證之類是。

問病情。惡寒惡熱。苦嘔苦滿。欲食不食。心煩不寐之類是。

◎切脈

浮脈。輕按即見。主表實。亦主裏氣內虛。

沈脈。重按乃見。主裏實。亦主裏氣內虛。

伯未按滑伯
仁云脉之綱
要不外浮沉
遲數滑六
者以其足陽
乎表裏陰風
虛實冷熱
寒濕燥藏府
氣血之病也



遲脈一息三至。主虛寒。亦主在臟之病。
數脈一息六至。主實熱。亦主真寒假熱。
虛脈三部無力。主諸虛。亦主素稟不足。
實脈三部有力。主諸實。亦主素稟有餘。
大脈應指洪濶。主病進。亦主正氣內虛。
緩脈應指柔和。主病退。亦主胃氣有餘。
長脈過於三指。主氣盛。亦主陽盛陰虛。
短脈不滿三指。主氣損。亦主中有窒塞。
滑脈往來流利。主血走。亦主痰飲為病。
澀脈往來艱滯。主血虛。亦主瘀血凝積。
洪脈湧沸有力。主實熱。亦主內虛不足。
緊脈勁急無定。主寒實。亦主身體疼痛。
細脈窄小不粗。主冷氣。亦主血脈不足。
微脈糳糊不顯。主陽虛。亦主元氣敗絕。
芤脈浮大中空。主血亡。亦主遺精小產。



絃脈端直中勁主木旺亦主痰飲內痛。
革脈浮極有力主陰亡亦主陽不入陰。
牢脈沉極有力主寒實亦主內有積聚。
濡脈浮細無力主氣虛亦主外受濕氣。
弱脈沈細無力主血虛亦主胃氣不盛。
動脈搖曳在關主驚氣亦主陰陽相搏。
伏脈沈潛著骨主邪閉亦主陰寒在內。
促脈數中時止主熱鬱亦主邪氣內陷。
結脈遲中時止主寒結亦主氣血漸衰。
代脈止有定候主氣絕亦主經隧有阻。
散脈去來繚亂主氣散亦主產婦之吉。

浮沉分表裏遲數定寒熱虛實分盛衰大緩辨進退長有餘而短不足滑
流利而濇艱難寒熱緊洪俱屬實細微血氣總為虛芤中空而血亡故道
弦中勁而木侮脾經革則陽氣外越牢則陰邪內固濡氣虛弱血虛虛各
有別動氣搏伏氣閉氣總乖和結陰促陽辨遲與數代亡散絕有去無來



脈法多端。此為總索。

醫學見能卷首終



醫學見能卷一

蜀都唐宗海容川著

上海秦之濟伯未批校

證治

◎頭證

(總訣)頭乃三陽所總司。藥分三面按經施。若還眩暈分虛實。瀉實滋虛兩路馳。

頭痛在後。或兼發熱惡寒者。太陽經傷寒也。宜加味敗毒散。

伯未按外可用生薑片貼兩太陽

沙參 二錢 羌活 二錢 獨活 二錢 柴胡 二錢 前胡 三錢 川芎 一錢

桔梗 三錢 雲苓 三錢 枳殼 一錢 甘草 一錢 粉葛 二錢 大棗 二枚

葱白 一根 生薑 三片

後面頭疼敗毒湯。

柴前芎桔獨參羌。

歌曰 枳芩葱葛甘和棗。

引用生薑入太陽。

頭痛在側。或兼寒熱往來者。少陽經傷風也。宜加味柴胡湯。

半夏 三錢 柴胡 三錢 竹茹 三錢 玉竹 三錢 黃芩 三錢 白芍 三錢

鉤藤 三錢 甘草 一錢 生薑 三片 大棗 二枚

伯未按蜀刻本鉤藤作荆芥

